



## Wewiib awii Bagidinigaademigag

NTAM INAKAANEZIWINAN MINIKWE NIBIISH GIIZHIKIGAADEG GAGWEDWEWIN AGII  
GIIKINIGAADEMIGAD APIINISH ONAABIDIN-GIIZIS 7, 2024.

***Maagsejig Ntam Inakaaneziwinan miinwaa Bebezhig Bemaadizijig ado ayaanaa-aa woshme minik epiichaag awii niindaawewaad ado gagwedwewin.***

**Mkwa-giizis 21, 2023** - Bitakshkaagwod Ntam Inakaaneziwinan agaa madookidaagaaziwaad gichi gnesh minikweng nibiish wiindamaadiwinan agaa temigag gnigen gwa nigo biboon biitiwiwiing Baashkaakodin-giizis 20, 1995, miinwaa Odemiini-giizis 20,2021, ado yaanaa-aa nongo **apiinish Onaabidin-giizis 7, 2024** awii niindaawewaad ado gagwedwewin onji dibamaadiwin.

Gagwedwewinan owi Bebezhig Bemaadizig Binaajichigewinan niindaaweng jibwaa Onaabidin-Giizis 7, 2023, ada dibaabijaadenon owa Naagaanziitang, miinwaa maagsegin dibamaadiwinan ada bimiikaadenon. Gagwedwewinan naandaaweng biitiwiwiing Naabidin-giizis 8, 2023, miinswaa Naabidin-giizis 7, 2024, ada dibaabijigaadenon, miinwaa maagsegin dibamaadiwinan ada bamiikigaadenon shkwaa Naabidin-giizis 7, 2024. Kina gagwedwewinan newen Waawinjigaadeg Wiisigaapinewinan dibamaadiwin ada bamiikigaadenon shkwaa Naabidin-giizis 7, 2024.

Owi Ntam Inakaaneziwinan Minikwe Nibiish Giizhiikigaadeg miigwemigad dibamaadiwin gewe maagsejig Ntam Inakaaneziwinan miinwaa bebezhig bemaadizijig agaa madookidaagiwaad owi onji gichi gnesh minikweng nibiish wiindamaadiwinan agaa aabajisemigag gnigen gwa nigo biboon biitiwiwiing Baashkaakodin-giizis 20, 1995, miinwaa Odemiini-giizis 20,2021.

Awii miigsewin owi dibamaadiwin, Bebezhig bemaadizijig aabdeg:

- gaawii agii nibosiiwog jibwaa Baashkaakodin-giizis 20, 2017;
- ada waajii-ewo Ntam Inaakanewiziwin; miinwaa
- agii madookidaagaaza owi gichi gnesh minikweng nibiish wiindamaadiwinan (gizhaagimizige, gaawii minikwesiing miinwaa gegwa aabajikaazisiing) agaa temigag gnigen gwa nigo biboon biitiwiwiing Baashkaakodin-giizis 20, 1995, miinwaa Odemiini-giizis 20, 2021.

Giishpin agii ndaadizig jibwaa Baashkaakodin-giizis 20, 1995, owa gegwedwed aabdeg gagwech agii adaa/agii adaa owi Agaa bitakshaagaazijig Ntam Inakaaneziwinan epiichi temigag gichi gnesh minikweng nibiish wiindamaadiwinan agaa aabajisemigag nigo biboon maage woshme, manjigwa apii biitiwiwiing Baashkaakodin-giizis 20, 2013, miinwaa Odemiini-giizis 20,2021.

Giishpin agii ndaadizid *apii maage shkwa Baashkaakodin-giizis 20, 1995*, owa gegwedwed aabdeg gagwech agii adaa/agii adaa owi Agaa Bitakshaagaazad Ntam Inakaaneziwinan epiichi aawong gichi gnesh minikweng nibiish wiindamaadiwinan agaa aabajisemigag nigo biboon maage woshme, manjigwa apii biitwiwiing Baashkaakodin-giizis 20, 1995, miinwaa Odemiini-giizis 20, 2021.

Bebezhiig bemaadizijig age adaa -gagwedwenaa-aa owi onji Waawinjigaadeg Wiisigaapinewinan dibamaadiwin onji wiisigaapinewinan agaa debinamiwaad epiichi naagidowaad newen minikweng nibiish wiindamaadiwinan.

### **Nikaaziwinan miinwaa aasgaabiwitaagewinan etemigag gewe onji Maamowi Yaang Waajii-ejig**

Temigadoon naadmaagewinan awii aasgaabiwitaagaaziwaad Ntam Inaakanewiziwinan miinwaa bebezhiig bemaadizijig moshkinebiimowaad ado gagwedwewiniwaan.

- Owi Ntam Inaakanewiziwinan Minikwe Nibiish [waasamo asabi mazina-igan](#) digosinon owi zhibiigaaziwaad Agaa Bitakshaagaazijig Ntam Inakaaneziwinan miinwaa age dibaajimataadiwin zhinomaagewinan owi moshkinebiigaadeg miinwaa niindaaweng owi Gagwedwe Moshkinebiigan miinwaa e'wenipanag nikaaziwin [waasamo biiwaabikoong gagwedwe moshkinebiiganan dibaabijigaadeg nikaaziwin](#) naadmaagemigag gewe bebezhiig bemaadizijig nisastamiwaad endogwen aji miigsewaad owi nakwetamowaad bangii etaatibiimigag gagwedwewinan.
- Newen gagwedwewinan onji owi gagwedwe zhichigewin miinwaa naadmaagewin owi Gagwedwe Moshkinebiigan, ginoosh owa Naagaanzitang wenspash odi 1-833-252-4220.
- Newen gagwedwewinan onji onashowewin e'nowendaagwog owi giizhiikigewin maage naadamaadiwin zhitoong gagwedwewin onji Waawinjigaadeg Wiisigaapinewinan, ginoosh Maamowi Yaang Giigidonini wenspash gwa: [counsel@firstnationsdrinkingwater.ca](mailto:counsel@firstnationsdrinkingwater.ca) miinwaa wenspash giigido biiwaabikonsing giigidowin odi 1-833-265-7589.
- Inendamowin aasgaabiwitaagewin temigad odi Hope for Wellness wenspash giigido biiwaabikonsing giigidowin odi 1-855-242-3310, niishtan shi niiwing dibagiisiwaan ensa giizhigag, niizhwaaswi giizhigad ensa nigo namegiizhigad maage waasamo asabi biiwaabikonsing nibwaachidiwin odi [www.hopeforwellness.ca](http://www.hopeforwellness.ca).

### **Dibaajimowin Genonind :**

Kim Taylor

780-399-5525

ktaylor@argylepr.com